

Cavoretto-Torino 30 VII 1924. *6/6*

Prezen.

Honorato coidealista,

Gratias pro Kvinjaro de Sovetlandoj; me vol nuntia illo in ApI N. 5.
Lingua de praefatione es facile; lingua de texto es minus facile.

Me gaude quod Vos publiced novo editione de libro Lingua Universale.

Latino sine flexione servi ad me, et surrice. Me es laeto si servi
etiam ad alios, aut si alios expone suo ideas per regulas differente. Me habe
nullo interesse ad propaganda.

Mutatione de Statuto in 1910 es conforme ad leges de Italia, ubi Academia
habe sede; et es approbato ab omne socio nominato conforme ad Statuto
de 1889. Rosenberger, quando eveni votatione, non habe jure de voto,
nam termina quinquennio in 1909. Vide ApI 1910 pag. 182. Hoc eveni
per oblivio de Rosenberger ipso, vicedirectore. Post breve tempore, Ros.
habe relationes cordiale cum ApI, nam non pote concorda cum idistas.

Nomine de ApI es de 1909.

Me puta quod libertate es conditione necessario pro scientia. Academicis
que vive ex pecunia de gubernos, non es libero.

In tempore de bello, 1915 = 1918, Europa habe occupationes plus
grave quam interlingua.

Nunc ApI progredi in modo continuo, et attende quod alio praesidente, in
alio natione, sume directione de nostro societate scientifico, non
de propaganda. Vide etiam ApI 1926 N. 4 pag. 87, nunc edito.

Salutationes cordiale, cum augurio de collaboratione semper plus activo,
pro solutione de isto magno problema.